

四庫全書

子部

欽定四庫全書

子部

太平惠民和劑局方卷一

詳校官太醫院醫士臣趙正范

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣左顯若

欽定四庫全書

子部五

太平惠民和劑局方

醫家類

提要

臣等謹案太平惠民和劑局方十卷舊本題宋庫部郎中提轄措置藥局陳師文等奉勅編案王應麟玉海云大觀中陳師文等校正和劑局方五卷二百九十七道二十一門晁公武讀書志云大觀中詔通醫刊正藥局方

書閱歲書成校正七百八字增損七十餘方
又讀書後志曰太醫局方十卷元豐中詔天
下高手醫各以得效秘方進下太醫局驗試
依方製藥鬻之仍摹本傳于世是大觀之本
實因神宗時舊本重修故公武有校正增損
之語也然此本止十四門而方乃七百八十
九考玉海又載紹興十八年閏八月二十三
日改熟藥所為太平惠民局二十一年十二

月十七日以監本藥方頒諸路此本以太平
惠民為名是紹興所頒之監本非大觀之舊
矣其中又有寶慶淳祐續添諸方更在紹興
之後兼附用藥總論指南三卷皆從圖經本
艸抄撮增入亦不知何時所加陳振孫書錄
解題稱和劑局方其後時有增補殆指此類
歟戴良九靈山人集有丹溪翁朱震亨傳曰
時方盛行陳師文裴宗元所定大觀二百九

十七方翁窮晝夜是習既而悟曰操古方以治今病其勢不能以盡合將起度量立規矩稱權衡必也素難諸經乎又稱震亨得羅知悌之學以歸諸醫泥陳裴之學者聞其言大驚而笑且排及治許謙末疾良驗笑且排者始皆心服是此書盛行于宋元之間至震亨局方發揮出而醫學始一變也又岳珂程史曰和劑局方乃當時精集諸家名方凡幾

經名醫之手至提領以從官內臣叅校可謂
精矣然其間差訛者亦自不少且以牛黃清
心丸一方言之凡用藥二十九味寒熱訛雜
殊不可曉嘗見一名醫云此方祇前幾味至蒲黃
而止自乾山藥以下凡二十一味乃補虛門
中山芋丸當時不知緣何誤寫在此方之後
因循不曾改正余因其說而考之信然如此
之類必多有之云云是併不能無所舛誤矣

然歷代相傳專門禁方多在是焉在用者詳
審而已必因噎而廢食則又一偏之見矣乾
隆四十五年十二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

太平惠民和劑局方卷一

宋 陳師文等 撰

治諸風

附脚氣

至寶丹療卒中急風不語中惡氣絕中諸物毒暗風中
熱疫毒陰陽二毒山嵐瘴氣毒蠱毒水毒產後血暈口
鼻血出惡血攻心煩躁氣喘吐逆難產悶亂死胎不下
已上並用童子小便一合生薑自然汁三五滴入於小

便內溫過化下三圓至五圓神效又療心肺積熱伏熱
嘔吐邪氣攻心大腸風秘神魂恍惚頭目昏眩眠睡不
安唇口乾燥傷寒狂語並皆療之

生烏犀屑

生玳瑁屑

琥珀

研

硃砂

研細
水飛

雄黃

研水飛
各一兩

龍腦

麝香

各一
分研

牛黃

半兩
研

安息香

一兩半為末以
無灰酒研澄飛

過濾去砂石約取淨
數一兩慢火熬成膏

銀箔

五十
片研

金箔

五十片一
半為衣

右將生犀玳瑁為細末入餘藥研勻將安息香膏重湯煮凝成後入諸藥中和漫成劑盛不津器中並旋圓如桐子大用人參湯化下三圓至五圓又療小兒諸癇急驚心熱卒中客忤不得眠睡煩躁風涎搐搦每二歲兒服二圓人參湯化下

靈寶丹

有三名一名歸命丹一名返魂丹入芒硝者名破棺丹

治中風手足不仁

言語蹇澀或痛連骨髓或痺襲皮膚瘙痒如蟲行頑痺如鐵石或多痰好睡或健忘多噴血脈不行肉色乾瘦

或久在牀枕起便須人語澀面浮惟覺不健或偶繫疾
苦卒暴而終並皆治之

光明砂

一兩半打如皂角子大絹袋子盛以
喬麥灰汁煮三伏時取出細研如粉

硫黃

打如皂角子大絹袋子盛以無
灰酒煮三伏時取出細研如粉

雄黃

打如皂角子大絹袋子盛以米
醋煮三伏時取出細研如粉

自然銅

先搗碎細研
如粉各一兩

已上四味用一有蓋甌瓶子先以金箔三片鋪於瓶
子底上便入硫黃又以金箔兩片蓋之次入雄黃又

以金箔兩片蓋之次入硃砂又以金箔兩片蓋之次
入自然銅又以金箔三片蓋之以瓶子蓋合却不用
固濟於灰池內坐瓶子令穩以火養三日三夜第一
日用熟炭火半斤圍瓶子三寸第二日用熟火十兩
去瓶子二寸半第三日用火一斤去瓶子二寸以火
盡為度候冷取藥出瓶子以紙三重裹藥於淨濕土
中培至來旦取出更研令細

磁石

燒以醋淬二十遍搗羅研如粉

陽起石

長理石

紫石英

已上研如
粉各三分

已上四味用一有蓋甌瓶子先入磁石次入陽起石
次入長理石次入紫石英其所入金箔一依前法重
重入之以蓋子合其口密固濟用火養三日三夜第
一日用熟炭火一斤去瓶子三寸第二日用火半秤
去瓶子二寸第三日用火半秤去瓶子一寸一日至
夜任火自消候冷取出藥用紙裹入濕土中培至來

旦取出更研令極細

牛黃

龍腦

麝香

龍齒

膻肭臍

酒刷微炙

虎脛骨

塗酒炙令黃各一兩

已上六味搗羅為末更細研如粉

鍾乳

十兩以絹袋子盛先以長流水煮半日後棄其水別用五斗煎取一斗煮後草藥留鍾乳

水三合磨生犀角三分

遠志

去心

巴戟

苦參

烏蛇

酒浸去皮骨炙

仙靈脾

天麻

去苗上各一兩一分

已上六味搗麤羅為散以前鍾乳水一斗煎至七升

用生絹濾去滓澄清

肉桂

去麤皮

肉豆蔻

去殼

鹿茸

去毛塗酥炙微黃

木香

各一兩半

延胡索

木胡桐淚

各三分

已上六味搗麤羅為末以前鍾乳汁七升煎至四升用生絹濾去滓澄清

半夏

湯洗七遍去滑

當歸

去苗各一兩

已上二味搗麤羅為散以前鍾乳汁四升煎至三升用生絹濾去滓澄清

皂莢子仁

一兩半搗
羅研如粉

生地黃汁

童子小便

無灰好酒

各一
升

右件地黃汁等合前藥汁都計六升內銀鍋中於靜
室內以文武慢火養至一升下金石藥末在內以柳
木篦攪勿令住手看稀稠得所去火然後入牛黃等
六物攪令極勻即下皂莢子仁末及磨了犀角水以綿
濾過入在藥內然後鉢內以乳鉢令力士研三五千
下研訖分為三分內一分入芒硝一兩更研勻名破

棺丹圓如菉豆大

凡治風病及撲傷肢節不問輕

重年月淺深先以茶清調下紅雪通中散一二錢須

臬以熱茶投令宣瀉一兩行便依法煎生薑黑豆湯

下三粒當以他人熱手更磨所患處須臬熱徹當覺

肉內有物如火至病所一二百日及一年內風疾下

牀不得者十服後便可行步如患至重者每利一度

隔日服五粒又住三五日即臬利不過三十粒平復

如故若打撲損多年每遇天陰疼痛動不得者可五

七服如患風疾及撲傷肢節十年五歲運動不能者
但依法服之十粒便效重者不過三十粒有人患卒
中惡暴亡者但心頭未冷取藥五粒以醋調摩臍中
一千餘遍當從臍四邊漸暖待眼開後以熱醋研下
十圓入口即活如有中一切風牙關緊急及尸厥暴
亡者以熱醋研三兩圓灌在口中下得咽喉即活如
要常服空心溫酒下二圓服十粒許壽限之內永無
疾此藥神驗功非人智能測

潤體圓治諸風手足不隨神志昏憤語言寒澀口眼喎
僻筋脉攣急骨節煩疼頭旋眩運恍惚不寧健忘怔忡
痰涎壅滯及皮膚頑厚麻痺不仁

膩粉

別研

白豆蔻仁

南番琥珀

別研如粉
各半兩

真珠末

三分別
研如粉

白茯苓

去黑
皮

人參

去
蘆

晚蠶蛾

防風

白附子

炮

肉桂

去
麁皮
不見火

羌活

去
蘆

芎藭

各一
兩半

白龍腦

牛黃

生犀角末

雄黃水飛

乳香

辰砂

水飛

羚羊角末

麝香

已上八味各別研如粉

沉香

木香

丁香

三香並不見火

藿香葉

檳榔

蒺藜子

微炒

肉豆蔻仁

黑附子

炮去皮臍

蔓荊子

去白皮已上各一兩

半夏

水煮三十沸薄切焙乾入生薑汁炒

川烏頭

炮裂去皮臍火搗碎炒黃

乾蝎

微炒各二兩

白花蛇

酒浸炙去皮骨取肉

天麻

去苗各三兩

獨活

去蘆三分

金箔

六十片為衣

右為細末入研藥勻煉蜜和圓如雞頭大每服一圓
細嚼溫酒下荆芥茶下亦得加至二圓如破傷中風
脊強手搐口噤發癩即以熱豆淋酒化破三圓幹口
開灌下少時再服汗出乃愈若小兒驚風諸癩每服
半圓薄荷湯化下不拘時候

烏犀圓治丈夫婦人卒中諸風牙關緊急膈上多涎或
語言寒澀口眼喎斜用薄荷汁與酒各少許化三圓服
之良久再服立有大效又治癰瘡暗風癩病手足潮搐

心神不安遍身頑麻腸風痔漏腎藏風毒上攻下疰婦
人血風頭旋吐逆皮膚腫痒遍身疼痛

硫黃

為未用甌盞盛慢火熬成汁入水銀急炒如青泥炒成細研

水銀

附子

水浸泡去皮臍

川芎

石斛

去根

蟬殼

去土微炒

龍腦

別研

朱砂

細研水飛

雄黃

細研水飛

肉豆蔻仁

微炒

牛黃

別研各半兩

膩粉

別研一分

當歸

去蘆酒浸焙炒

烏犀

鈔各一兩

天南星

湯浸薑自然汁煮軟切片焙乾炒黃

天麻

酒浸切焙

阿膠

杆碎炒如珠

川烏頭

燒令通赤留煙少許入坑內以

蓋子覆用新土

圍之食頃取出

陳皮

湯浸去白穢炒

白花蛇

酒浸一宿炙令熟去皮骨用肉

烏蛇

酒浸一宿炙令黃去皮骨用肉

白殭蠶

去絲嘴微炒

半夏

湯洗七次薑汁浸三宿炒黃

羚羊角

乾蝎

微炙

羌活

去蘆頭

獨活

去蘆頭

藿香葉

去土

草薢

微炙

肉桂

去麤皮不見火

麻黃

去根節

白附子

炮

細辛

去苗

防風

去蘆

槐膠

縮砂仁

沉香

不見火

檳榔

已上各一兩

麝香

別研一兩

晚蠶蛾

微炒

木香

不見火

白朮

米泔浸一宿切焙微炒

桑螵蛸

微炒

厚朴

去麁皮薑汁塗炙令熟

人參

去蘆頭

天竺黃

別研

乾薑

炮裂

茯苓

去皮

藁本

洗去土

蔓荊子

去白皮

枳殼

去穰切麩炒

敗龜

酒醋塗炙令黃

虎骨

酒醋塗炙令黃

何首烏

米泔浸一宿煮過切焙

丁香

不見火

白芷

已上各三分

狐肝

一具臘月採取同烏鴉一隻入新瓦

瓶內以瓦盆子蓋頭用泥固濟用炭火一
秤燒令通赤待煙盡取出候冷研極細用

烏鴉

一隻臘月採
取去嘴翅足

右件五十八味並須如法修事搥研令細煉白蜜合
和入酥再搥三五千下圓如梧桐子大常服一圓不
計時薄荷湯或茶嚼下

牛黃清心圓治諸風癩癧不隨語言蹇澀心忪健忘恍
惚去來頭目眩冒胸中煩鬱痰涎壅塞精神昏憤又治
心氣不足神志不定驚恐怕怖悲憂慘感虛煩少睡喜

怒無時或發狂癲神情昏亂

牛黃

一兩
錢研

麝香

研

羚羊角末

龍腦

研各
二兩

當歸

去蘆
頭

防風

去苗
叉枝

黃芩

白朮

麥門冬

去心

白芍藥

各一
兩半

柴胡

去
苗

白茯苓

去
皮

桔梗

杏仁

去皮尖并雙仁
者麩炒黃別研

芎藭

各一兩
二錢半

肉桂

去
皮

阿膠

碎
炒

大豆卷

碎炒各一
兩七錢半

蒲黃

炒

神麩

研炒

人參

去蘆各二兩半

雄黃

八錢飛研

甘草

剉炒五兩

白斂

乾薑

各二錢半

犀角末

二兩

金箔

一千二百片內百片片為衣

大棗

一百枚蒸熟去皮核研亂成膏

乾山藥

七兩

右除棗杏仁金箔三味及牛黃麝香雄黃龍腦四味

外為細末入餘藥勻煉蜜與棗膏為圓每兩作一十

圓用金箔為衣每服一圓溫水化下食後服小兒驚

癇即酌度多少以竹葉湯溫溫化下

摩挲圓治中風癱瘓半身不遂口眼喎斜言語蹇澀精
神昏塞步履艱難或肌肉偏枯手足躡曳或筋脉拘攣
不得屈伸及氣痺并諸風身體疼痛

薰陸香

滴乳香
別研

辰砂

細研
水飛

生龍腦

別研

烏犀

鎊屑別
為末

雄黃

光明者
研飛

自然銅

燒赤
醋淬

天台烏藥

麝香

別研各
四兩

天麻

去苗洗
一斤

川烏

炮裂去
皮臍火

丁香

地榆

去苗

黑參

陳潤者
洗焙乾

木香

各八
兩

真珠末

二兩
研

右為細末研勻煉蜜圓如楮實大每服一圓溫酒化
下不拘時候服訖避風處衣被蓋覆令汗出患重者
服一月全安輕者半月差初患五七服可安

透冰丹治一切風毒上攻頭面腫痒痰涎壅塞心胃不
利口苦乾澀風毒下注腰脚沉重腫痛生瘡大便多秘
小便赤澀及治中風癱瘓一切風疾

益智子

去
皮

川大黃

去
皮

茯神

去
木

仙靈脾葉

蔓荊子

去白皮

葳靈仙

去蘆洗焙

天麻

去苗

白芷

山梔子

去皮

白茯苓

各半兩

香墨

燒醋淬
記細研

麝香

研各一
錢一字

川烏

二兩用河水浸半月三日一換水
切作片焙訖用鹽一兩炒黃去鹽

右為細末入研藥勻以煉蜜溲和如麥飴相似以真

酥塗杵白搗萬杵如乾旋入蜜令得所和溲成劑每

服旋圓如梧桐子大用薄荷自然汁同溫酒化下兩

圓如卒中風涎潮昏塞煎皂莢白礬湯放溫化四圓

金匱要略卷之三十一
卷一
灌之癰瘕風每日服三五圓漸覺有效常服一圓疎
痰利腸用溫酒下食後服之小兒驚風入膩粉少許
薄荷汁化下半圓立效治癩瘰用蔥湯下一圓忌動

風毒物

龍腦天麻煎治一切風及癰瘕風半身不遂口眼喎斜
語澀涎盛精神昏憤或筋脉拘攣遍身麻痺百節疼痛
手足顫掉及腎藏風毒上攻頭面虛腫耳鳴重聽鼻塞
口乾痰涎不利下注腰脚膝緩弱腫痛生瘡又治婦

人血風攻疰身體疼痛面浮肌瘦口苦舌乾頭旋目眩
昏困多睡或皮膚瘙痒癩疹生瘡暗風夾腦風偏正頭
疼並皆治之

甜瓜仁

湯洗淨

地榆

去苗刮削令淨

川烏

炮去皮臍

浮萍草

揀洗淨

黑參

洗淨各五十兩

天麻

去苗百兩

已上為末用雪水白沙蜜各一十五斤零一十兩同
化開用絹袋子濾過銀石器內慢火熬成稠膏

麝香

研四兩

生龍腦

研八兩

右為細末除龍麝外用天麻烏頭膏和溲令勻放冷
入龍麝再溲令勻入白內搗千百杵搓為錠子每服
一皂莢子大與薄荷同嚼茶酒任下不計時候治癰
瘰風併服見效如破傷風豆淋酒下要發汗用煨蔥
熱酒併服三服常服亦得

牛黃小烏犀圓治諸風筋脉拘急手足麻痺語言蹇澀
口面喎斜心怔恍惚痰涎壅滯頭目昏眩肢節煩疼及
中風癰瘰暗風癰病腎風上攻面腫耳鳴下疰腰脚沉

重疼痛婦人血風頭旋吐逆皮膚腫痒遍身疼痛

天麻

去苗二
十兩

地榆

去苗
洗焙

川烏

炮去
皮臍

玄參

洗焙各
十兩

已上四味為細末以水少許化蜜同於石鍋內慢火

熬攪成稠膏放冷次入後藥

牛黃

研

麝香

研

龍腦

研各
一兩

龍腦薄荷葉

浮萍草

洗
焙

甜瓜仁

各十
兩

硃砂

研
飛

生犀

鎊各
五兩

右為細末與前膏子一處溲和圓如鷄頭大每服一圓細嚼荊芥茶下溫酒亦得不計時候

婁金圓治諸風神志不定恍惚去來舌強語澀心忪煩悶口眼喎僻手足躡曳及風虛眩冒頭目昏痛或旋運僵仆涎潮搐搦卒中急風不省人事小兒驚風諸癇並宜治之

白僵蠶

去絲
嘴鹽

黃耆

去
蘆

藁本

洗

麻黃

去根
節

羚羊角

鎊

羌活

去
苗

甘草 燼

芍藥

白茯苓 皮去

犀角 鈔各二兩

白芷 洗

川芎 各一兩半

天竺黃

牛黃 別研

龍腦 研

麝香

白附子 炮各一兩

人參 去蘆

細辛 洗

防風 去蘆

天南星 為末以牛膽汁和餅陰乾各一

兩半

甘菊 去土四兩

天麻 去苗

白花蛇 酒浸去皮骨炙各三兩

金箔 一百片為衣

生地黃汁

五升入蜜一兩煮過加酥二兩半慢火熬成膏放冷

右為細末以地黃汁膏子溲和每兩作五十圓以金箔為衣每服一圓細嚼溫酒下若中風涎潮不語昏塞甚者加至三圓用薄荷自然汁同溫酒共半盞化藥灌之常服一圓濃煎人參湯嚼下薄荷湯亦得小兒每服皂莢子大薄荷湯化下

龍虎丹治丈夫婦人新得久患急風緩風半身不遂手脚筋衰及風毒攻注遍身瘡疥頭風多饒白屑毒風面生瘡刺風狀如針刺痛風急倒作聲頑風不認痛痒

癰風頸生斑駁暗風頭旋眼黑瘡風面生赤點肝風鼻
悶眼潤偏風口眼喎斜節風肢節斷續脾風心多嘔逆
酒風行步不前肺風鼻塞項疼膽風令人不睡氣風肉
似蟲行腎風耳內蟬鳴陰間濕痒

何首烏

去麤皮

天麻

去苗

羌活

去苗洗

川芎

洗

天竺黃

研生

獨活

去苗

半夏

湯洗七次薑製

附子

炮去皮臍

藿香葉

生

柴胡

去苗

牛膝

去苗酒浸微炒

桔梗

生

黑牽牛 鹽

硫黃 結 炒

細辛 去苗洗 各一兩

龍腦 研半 兩

白殭蠶 去絲 嚼妙

菊花 去 土

甘松 洗去 土焙

白芷 生

五靈脂 生

茴香 去 土

川烏 炮去 皮臍

肉桂 去 皮 麤

縮砂仁 生各 五兩

防風 去 苗

乾薑 白者 炮

地龍 去 土 鹽

白茯苓 鹽

硃砂 研各 三兩

木香 生

牙硝 研

真雄黃 研 飛

麝香 別 研

水銀 與硃黃用慢火結 沙于各一兩

寒水石

燒通赤研
飛一斤

烏蛇

酒浸炙去
皮骨八兩

右為末煉蜜為劑每服一圓雞頭大薄荷酒嚼下日
進一服重即兩服產後驚風亂道見物硃砂酒磨下
產後身多虛腫血風頻增昏沉身如針刺髮隨梳落
面黃嘔逆並當歸酒嚼下日進兩服治傷寒炒蔥豉
酒嚼下一二服蓋覆出汗立愈小兒驚風薄荷化下
少許大人急風口噤失音等薄荷酒化灌之常服茶
酒下不拘時

麝香天麻圓治風痺手足不隨或少力顫掉血脉凝滯
肌肉頑痺遍身疼痛轉側不利筋脉拘攣不得屈伸

麻黃

去根節
二兩

浮萍草

紫背乾者
去上四兩

防風

去蘆
義

天麻

各一兩
並為末

安息香

別研

麝香

研

乳香

研各
一兩

血竭

別研細
三兩

槐膠

別研
兩半

硃砂

研
飛

沒藥

別研細
各二兩

右件藥除研藥外將碾出藥同研拌勻煉濾白沙蜜
與安息香同熬過沒成劑入白擣杵熟為圓如彈子

大每服一圓溫酒或荊芥湯化下空心服患處微汗
為效如不欲化服即圓如梧桐子大每服三十圓依
前湯使下

龍腦芎犀圓消風化痰除心肺邪熱去頭而諸風治偏
正頭痛心忪煩鬱面熱目瞶鼻塞腦昏痰熱欬咽膈
不利

生龍腦

別研

山梔子

去皮

生犀屑

各一兩

石膏

研

川芎

各四兩

阿膠

碎炒一兩半

硃砂

四兩一兩為衣

麥門冬

去心三兩

白茯苓

皮去

人參

去蘆

細辛

去苗

甘草

炙各二兩

右除別研後入外並為細末煉蜜為圓每服一圓至二圓細嚼茶酒任下食後服

銀液丹治諸風痰涎蘊結心膈滿悶頭痛目運面熱心忪痰唾稠黏精神昏憤及風痲潮搐涎潮昏塞並宜服之

天南星

為末三分

硃砂

研飛半兩

鐵粉

水銀

結沙子
各三兩

膩粉

研一兩

黑鉛

煉十遍秤三兩與
水銀結沙為小塊

同甘草十兩水

煮半日俟冷研

右研勻麵圓梧桐子大每服二圓用薄荷蜜湯下
生薑湯亦可微利為度食後如治風癩不計時候服
和太師牛黃圓治卒暴中風眩運倒仆精神昏塞不省
人事牙關緊急目睛直視胃膈喉中痰涎壅塞及諸癩
潮發手足瘳瘳口眼相引項背強直並治之

石鷲

火燒醋
淬九遍

雄黃

研飛

蛇黃

火燒醋
淬九遍

辰砂

研飛

磁石

火燒醋
滓九過

石綠

研飛各
一兩

輕粉

研細

牛黃

研

粉霜

研

麝香

細研各
半兩

金箔

為衣

銀箔

研各
百片

右件都研勻細用酒煮麵糊和圓如鷄頭大每服一
 圓煎薄荷酒磨下老人可服半圓小兒十歲已下分
 為四服蜜水磨下四歲已下分為五服未滿一歲可
 分為七服如牙關緊急以物斡開灌之

碧霞丹治卒中急風眩運僵仆痰涎壅塞心神迷悶牙

關緊急目眼上視及五種癩病涎潮搐搦

石綠

九度飛過十兩

附子尖

烏頭尖

蝎梢

各七
十箇

右將三味為末入石綠令勻麵糊為圓如鷄頭大每服
急用薄荷汁半盞化下一圓更入酒半合溫暖服之須
臾吐出涎然後隨證治如牙關緊急斡開灌之立效
雄硃丹治中風涎潮咽膈作聲目眩不開口眼鳴斜手
足不遂應是一切風疾並宜服之

雄黃

硃砂

龍腦

麝香

各研一錢

烏蛇

去皮骨生

白殭蠶

去絲嘴生

白附子

生

天南星

洗各半兩

右除研外餘皆為末煉蜜為圓如梧桐子大如中風涎潮牙關不開先用大蒜一瓣搗爛塗在兩牙關外腮上次用豆淋酒化一圓揩牙斷上即開續用薄荷酒化下一二圓如丈夫風氣婦人血風牙關緊急者只用豆淋酒化藥揩牙斷上即開如頭風目眩暗風

眼黑欲倒者急嚼一两圓薄荷酒下

八風丹治諸風及痰熱上攻頭痛面赤目眩旋運鼻塞
咽乾頸項不利痰唾稠濁神情如醉百節疼痛耳嘯蟬
鳴面上遊風口眼蠕動

寒水石

水燒通赤細研
水飛過半斤

龍腦

炮各
半兩

麝香

各細研
一分

白殭蠶

微炒

白附子

炮各
半兩

天麻

酒浸
焙

滑石

細研各
一兩

半夏

白礬製
二兩

右為細末入研藥同研令勻煉蜜和圓如櫻桃大每

服一圓細嚼溫荊芥湯下茶清亦得食後服

牛黃生犀圓治風盛痰壅頭痛目眩咽膈煩悶神思恍惚心怔面赤口乾多渴睡卧不安小便赤澀大便多秘

牛黃

細研

生犀

鎊

龍腦

細研各二兩半

半夏

白礬製

牙硝

細研

天麻

去苗各二十兩

龍齒

研水飛

硃砂

研水飛

水銀

與鉉同結砂子

鈆

各十兩

膩粉

細研

黃丹

細研

雄黃

研水飛

羚羊角

鎊各五兩

右為末煉蜜圓每兩作二十圓每服一圓溫薄荷湯
化下中風涎潮牙關緊急昏迷不省用膩粉一錢藥
三圓生薑自然汁七點薄荷水同化下得吐或利逐
出痰涎即愈小兒風熱痰壅睡卧不安上竄齧齒每服
半圓如急驚風涎潮搐搦眼目戴上牙關緊急用膩
粉半錢生薑自然汁三五點薄荷水同化下一圓量
歲數加減服

辰砂天麻圓治諸風痰盛頭痛目眩旋運欲倒嘔噦惡

心恍惚健忘神思昏憤肢體疼倦頸項拘急頭面腫痒
手足麻痺常服除風化痰清神思利頭目

白附子

泡五兩

天麻

去苗十兩

天南星

薑汁浸切片子焙乾二十兩

麝香

細研

白芷

各一分

硃砂

細研水飛五兩一半入藥一半為衣

川芎

二兩半

右為細末麵糊圓如梧桐子大每服二十圓溫荊芥

湯下不拘時候

青州白圓子治男子婦人半身不遂手足頑麻口眼喎

斜痰涎壅塞及一切風他藥所不能療者小兒驚風大人頭風洗頭風婦人血風並宜服之

天南星

三兩

白附子

二兩

半夏

以水浸洗過白大者用七兩

川烏頭

去皮臍半兩各生用

右為細末以生絹袋盛用井華水攪末出者更以手揉令出如有滓更研再入絹袋攪盡為度放磁盆中日中曬夜露至曉棄水別用井華水攪又曬至來日早再換新水攪如此春五日夏三日秋七日冬十日

去水曬乾後如玉片碎研以糯米粉煎粥清為圓如
菜豆大初服五圓加至十五圓生薑湯下不計時候
如癰癩風以溫酒下二十圓日三服至三日後浴當
有汗便能舒展服經三五日呵欠是應常服十粒已
來永無風痰膈壅之患小兒驚風薄荷湯下兩三圓
辰砂圓治諸風痰盛頭痛惡心精神昏憤目眩心忪嘔
吐痰涎膈煩悶

天南星

炮裂

白殭蠶

炒去絲

白附子

炮

蝎梢

各
一分

辰砂

各
半兩

硼砂

各
研

牛黃

各
一錢

半夏

湯洗七
次一兩

右為細末同研令勻水煮麵糊圓如梧桐子大每服

二十圓用生薑荆芥湯下不拘時

牛黃金虎丹治急中風身背強直口噤失音筋脉拘急
鼻乾面黑遍身壯熱汗出如油目瞪唇青心神迷悶形
體如醉痰涎壅塞膈喉中拽鋸聲

牛黃

各
兩半

雄黃

研水飛一
百五十兩

金箔

八百片為衣

生龍腦

研五兩

天雄

炮裂去皮筋二十二兩半

白礬

枯過

天南星

為末用牛膽汁和作餅子焙乾如無牛膽即用酒蒸

晝夜

膩粉

研

天竺黃

研各二兩

右為末煉蜜溲和每一兩半作十圓以金箔為衣每服一圓以新汲水化灌之扶坐使藥行化良久續以薄荷自然汁更研化一圓灌之立愈肥盛體虛多涎有風之人宜常服此藥隨身備急忽覺眼前暗黑心膈悶亂有涎欲倒化藥不及急嚼一圓新汲水下小

兒急驚風一歲兒服菜豆大一圓薄荷自然汁化灌
之更量歲數臨時加減有孕婦人不得服

防風圓治一切風及痰熱上攻頭痛惡心項背拘急目
眩旋運心怔煩悶手足無力骨節疼痺言語寒澀口眼
瞶動神思恍惚痰涎壅滯昏憤健忘虛煩少睡

天麻

去苗酒
浸一宿

甘草

炙

川芎

洗

防風

洗各
二兩

硃砂

半兩
研為衣

右為細末煉蜜為圓每兩作十圓以硃砂為衣每服

一圓荊芥湯化服茶酒嚼下亦得不拘時候

川芎圓消風壅化痰涎利咽膈清頭目治頭痛旋運心
忪煩熱頸項緊急肩背拘攣肢體煩疼皮膚瘙癢腦昏
目疼鼻塞聲重面上遊風狀如蟲行

川芎

龍腦薄荷葉

去土各七
十五兩

桔梗

一百
兩

細辛

洗五十
兩

防風

去苗二
十五兩

甘草

燬三十
五兩

右為細末煉蜜溲和每一兩半分作五十圓每服一

圓細嚼臘茶清下食後臨卧服

薄荷圓消風熱化痰涎利咽膈清頭目治遍身麻痺
百節酸疼頭昏目眩鼻塞腦痛語言聲重項背拘急皮
膚癢痒或生癰疹及肺熱喉腥脾熱口甜膽熱口苦又
治鼻衄唾血大小便出血及脫着傷風并沐浴後並宜
服之

川芎

三
十
兩

縮砂仁

五
兩

龍腦薄荷葉

去
土
十
斤

桔梗

五
十
兩

甘草

四
十
兩
炙

防風

去
苗
三
十
兩

右為末煉蜜圓每兩作三十圓每一圓細嚼茶酒任

下

天南星圓治風化痰清神爽氣利膈消酒毒止痰逆
惡心中酒嘔吐

天南星

一斤每箇重一兩上下者用溫湯浸洗刮去裏外浮皮并虛軟處令淨用法酒浸七宿用桑柴蒸不住添熱湯令釜滿甑內氣猛更不住酒酒常令藥潤三伏時取出用銅刀刀子切開一箇大者嚼少許不麻舌為熟末即再炊候熟用銅刀切細焙乾

麝香

研

丁香

各一兩

龍腦

研一兩半

辰砂 別研水飛二兩
用一半為衣

右為細末入研藥勻煉蜜并酒和圓每兩作五十圓
用硃為衣每服一圓爛嚼濃煎生薑湯下不計時候
酒後含化除煩渴止嘔逆

犀角圓除三焦邪熱疎一切風氣治風盛痰實頭目昏
重肢節拘急痰涎壅滯腸胃燥澀大小便難

犀角 鎔

黃連 去鬚各
十兩 人參 去蘆二
十兩

黑牽牛

一百二十兩炒別
搗先取粉六十兩 大黃 剉八
十兩

右與牽牛粉合和為細末煉蜜為圓如梧桐子大每服十五圓至二十圓臨卧溫水下量虛實加減

皂角圓治風氣攻注頭面腫痒遍身拘急痰涎壅塞胃腸煩悶頭痛目眩鼻塞口乾皮膚瘙痒腰脚重痛大便風秘小便赤澀及咳嗽喘滿痰唾稠濁語澀涎多手足麻痺暗風癩病偏正頭疼夾腦風婦人血風攻治遍身疼痛心忪煩躁癢疹痒並宜服之

甘菊花

去梗

半夏

湯洗七次

白礬

枯過

知母

葳靈仙

洗

貝母

去心
黃色

青皮

不去白
各一兩

槐角

乾薄荷

葉

皂角

各五兩 槌碎以水一十八兩六
錢 採取汁用蜜一斤同熬膏

牽牛子

燈二
兩

右為末以皂角膏和圓如梧桐子大每服二十圓食

後生薑湯下痰實咳嗽蛤粉蘆汁下手足麻痺生薑

薄荷湯下語澁涎盛荊芥湯下偏正頭疼夾腦風薄

荷湯下

小續命湯治卒暴中風不省人事漸覺半身不遂口眼
喎斜手足顫掉語言蹇澀肢體麻痺神情昏亂頭目眩
重痰涎併多筋脉拘攣不能屈伸骨節煩疼不得轉側
若治脚氣緩弱久服差久病風人遇天色陰晦節候變
更宜服以防暗瘧及治諸風服之皆驗

麻黃

去節

人參

去蘆

黃芩

白芍藥

芎藭

甘草

剉燉

杏仁

去皮尖
炒黃

防己

肉桂

去皮各
二兩

防風

去蘆一兩半

附子

炮去皮臍細切半兩

右除附子杏仁外搗為麤散後入二味令勻每服三錢水一盞半薑五片煎一盞去滓食前稍熱服

防風湯治風虛發熱項背拘急肢節不遂恍惚狂言來去無時不自覺悟亦治脚氣緩弱此藥溫和不虛人

防風

去蘆

半夏

湯洗七次切焙

獨活

去蘆

秦朮

去苗土

麻黃

去根節各二兩

升麻

白芍藥

人參

去蘆

甘草

炙判

遠志

去心

防已

黃芩

石膏

別研

當歸

去蘆

白朮

各一兩

右為麤末入半夏片子令勻每服四錢水二中盞薑
七片煎至一盞去滓取清汁六分入麝香末少許食

前臨卧熱服

排風湯治男子婦人風虛冷濕邪氣入臟狂言妄語精
神錯亂肝風發則面青心悶吐逆嘔沫脇滿頭眩耳重
不聞人聲偏枯筋急曲拳而卧心風發則面赤翕然而

熱悲傷瞋怒目張呼喚脾風發則面黃身體不仁不能
行步飲食失味夢寐倒錯與亡人相隨肺風發則面白
欬逆唾膿血上氣奄然而極腎風發則面黑手足不遂
腰痛難以俛仰痺冷骨疼若有此候令人心驚志意不
定恍惚多忘

白茯苓

去皮

獨活

去蘆

麻黃

去節各
三兩

肉桂

去麁
皮

白鮮皮

芎藭

當歸

去蘆酒
浸一宿

防風

去蘆
叉

杏仁

去皮尖雙仁者
麩炒令黃色

白芍藥

甘草

劉炒

白朮

各二兩

右為麤散每服三錢水一盞半生薑四片同煎八分
去滓溫服不計時候常服安心定志聰耳明目通臟
腑諸風疾並治之

大通聖白花蛇散大治諸風無問新久手足躡曳腰脚
緩弱行步不正精神昏冒口面喎斜語言蹇澀痰涎壅
盛或筋脉攣急肌肉頑痺皮膚瘙癢骨節煩疼或痛無
常處遊走不定及風氣上攻面浮耳鳴頭痛目眩下注

腰脚並宜服之

天麻

去
脂

防風

去
蘆
枝

白花蛇

酒
浸
炙
去
皮
骨
用
肉

葳靈仙

去
土

赤箭

厚朴

薑
汁
製
一
宿
炙

甘草

炙
剉

海桐皮

去
麈
皮

藁本

去
土

萆薢

酒
浸
一
宿

木香

乾山藥

肉桂

去
麈
皮

杜仲

剉
炒

當歸

去
苗
酒
浸
一
宿

白附子

炮

虎骨

醋
炙

白芷

乾蝎

炒

郁李仁

去
皮
別
研

牛膝

去
苗

羌活

去蘆

菊花

蔓荊子

去白皮
各一兩

右為細末每服一二錢溫酒調下荊芥湯亦得空心服常服祛逐風氣通行榮衛久病風人尤宜常服輕可中風不過二十服平復如常

消風散治諸風上攻頭目昏痛項背拘急肢體煩疼肌肉蠕動目眩旋運耳嘯蟬鳴眼澀好睡鼻塞多嚏皮膚頑麻瘙痒癢疹又治婦人血風頭皮腫痒眉稜骨痛旋運欲倒痰逆惡心

白茯苓

去皮

芎藭

羌活

去蘆

人參

去蘆

荊芥穗

防風

去蘆

藿香

葉

蟬殼

去土微炒

白殭蠶

炒去絲

甘草

剉炒各二兩

厚朴

去麁皮薑汁炙

陳皮

去白焙各半兩

右為細末每服二錢茶清調下如久病偏風每日三

服便覺輕減如脫著沐浴暴感風寒頭痛聲重寒熱

倦疼荊芥茶清調下溫酒亦得可併服之小兒虛風

目澁昏困又急慢驚風乳香荊芥湯調下半錢不拘

時候

羌活散治風氣不調頭目昏眩痰涎壅滯遍身拘急風邪寒壅頭痛項強鼻塞聲重肢節煩疼天陰風雨預覺

不安

白茯苓

去皮

羌活

去蘆

菊花

去梗

川芎

前胡

去蘆

黃芩

細辛

去苗

枳殼

去穰炒

蔓荊子

去白皮

麻黃

去節根

防風

去蘆

石膏

研細

甘草

剉燼各
一兩

右為末入石膏令勻每服二錢水一大盞生薑四片
薄荷三兩葉同煎七分去滓稍熱服不拘時

八風散治風氣上攻頭目昏眩肢體拘急煩疼或皮膚
風瘡痒痛及治寒壅不調鼻塞聲重

人參

去蘆

黃耆

去蘆
剉

甘草

剉炒各
二斤

防風

去蘆
叉枝

羌活

去蘆各
三斤

白芷

前胡

去蘆各
一斤

藿香

葉半
斤

右為細末每服二錢水一中盞薄荷少許同煎至七分去滓食後溫服臘茶清調一大錢亦得小兒虛風乳香臘茶清調服半錢更量兒大小加減

清神散消風壅化痰涎治頭昏目眩心忪面熱頭痛耳鳴鼻塞聲重口眼瞤動精神昏憤肢體疼倦頸項緊急心膈煩悶咽嗑不利

薄荷

去土梗

荆芥穗

各三十兩

羌活

去苗

防風

去苗義

人參

去蘆

檀香

剉各六兩

細辛

去苗洗
焙五兩

甘草

盤二
十兩

石膏

別研水飛
四十兩

右為末每服二錢沸湯點服入茶末點服亦得食後

臨睡服

虎骨散

一名乳香
越痛散

治男子婦人因氣血虛弱風毒邪氣

乘虛攻注皮膚骨髓之間與血氣相搏往來交擊痛無

常處遊走不定晝靜夜甚少得眠睡筋脉拘急不能屈

伸

虎脛骨

酥炙

敗龜

去裙炙
各二兩

騏驎竭

細研

沒藥

研

赤芍藥

去蘆

當歸

去苗

自然銅

醋淬
細研

白芷

蒼耳子

微炒
去刺

防風

去蘆
義

骨碎補

去毛

肉桂

去皮
去麁

白附子

炮各
三分

牛膝

去苗酒
浸一宿

五加皮

去心

羌活

去蘆

天麻

去蘆

檳榔

各一
兩

右為細末每服一錢溫酒調下不拘時

骨碎補圓治肝腎風虛上攻下注筋脉拘攣骨節痠痛
頭面浮腫手臂少力腰背強痛脚膝緩弱屈伸不利行

履艱難並宜服之

骨碎補

刮去毛炒

自然銅

醋淬九次

草烏頭

炮去皮臍

葳靈仙

去苗

縮砂仁

半夏

洗七次各半兩

牛膝

酒浸一宿焙乾

茯苓

酒浸一宿切焙

白附子

炮

荊芥穗

各一兩

地龍

去土微炒

沒藥

各二錢半

右為細末酒煮麵糊圓如梧桐子大每服五七圓溫

酒下婦人醋湯或當歸酒下不計時候孕婦不宜服

烏荊圓治諸風緩縱手足不遂口眼喎斜言語蹇澀眉

目攣動頭昏腦悶筋脉拘攣不得屈伸遍身麻痺百節
疼痛皮膚瘙癢抓成瘡瘍又治婦人血風渾身痛痒頭
疼眼暈及腸風藏毒下血不止服之即效久服令人顏
色和悅力强輕健鬚髮不白

川烏頭

炮去皮
臍一兩

荆芥穗

二兩

右為細末醋麵糊圓如梧桐子大每服二十粒酒或
熱水下有疾食空時日三四服無疾早晨一服

有少
府邪

監丞少病風癱掣頭顛寬鞞不收手承顛然後能食
服此六七服即瘥遂長服之已五十餘年耳七十餘

強健鬚髮無白者此藥療腸風下血尤妙累有人得效予所目見下血人服此而差者一歲之內已數人矣

加減三五七散治八風五痺癱瘓痺曳口眼喎斜眉角牽引項背拘強牙關緊急心中憤悶神色如醉遍身發熱骨節煩疼肌肉麻木腰膝不仁皮膚潤動或如蟲行又治陽虛頭痛風寒入腦目旋運轉有似舟船之上耳內蟬鳴或如風雨之聲應風寒濕痺腳氣緩弱等疾並皆治之

山茱萸

茯苓去皮

乾薑炮各十兩

防風去蘆四斤

附子三十五筒炮

細辛二十兩

一方天雄細辛各三錢乾薑山茱萸各五錢山芋防風各七錢

右為細末每服二錢溫酒調下食前服即大三五七

散

乳香沒藥圓治男子婦人一切風氣通經絡活血脉治筋骨疼痛手足麻痺半身不遂暗風頭旋偏正頭風小中急風手足疼痛牙關緊急四肢軟弱腎藏風毒上攻

頭面下注腰脚生瘡遍體疼酸並宜服之孕婦不可服

躑躅花

炒

當歸

洗焙乾炒

木鼈子

去殼

藿香

去梗

五靈脂

揀去沙

殭蠶

洗去絲疇焙

白膠香

白芷

各七兩

撫芎

一百單八兩

草烏頭

六百四十八兩炒

地龍

一百四十四兩

葳靈仙

二百二十兩洗

何首烏

二百四十兩洗

右為末醋糊圓如梧桐子大每服五圓不可多服食後用薄荷茶吞下溫酒亦得

七聖散治風濕流注經絡間肢節緩縱不遂或脚膝疼
痛

杜仲

續斷

葶藶

防風

獨活

牛膝
酒浸
一宿

甘草

等分

右件各修事淨焙乾半兩為細末每服二錢溫酒調
下

白龍圓治男子婦人一切風遍身瘡癬手足頑麻偏正

頭疼鼻塞腦悶大解傷寒治頭風

川芎

藁本

細辛

白芷

甘草

各等分

右為細末每四兩藥末入煨了石膏末一斤水漉為
圓每一兩作八圓每服一圓食後薄荷茶嚼下風蟲
牙痛一圓分作三服乾揩後鹽湯漱之更用蔥茶嚼
下

活血應痛圓治風濕客於腎經血脉凝滯腰腿重疼不

能轉側皮膚不仁遍身麻木上攻頭面虛浮耳內常鳴
下注腰膝重痛少力行履艱難亦治項背拘攣不得舒
暢常服活血脈壯筋骨使氣脈宣流

草烏頭

一斤半炮

沒藥

一十二兩別研

葳靈仙

蒼朮

六斤

狗脊

四斤刮去毛

香附子

去鬚毛炒七斤半

陳皮

洗去蒂五斤半

右為細末用酒煮麵糊圓如梧桐子大每服十五圓
至二十圓溫酒或熱水任下不拘時候久服忌桃李

鴿雀諸血物

四生散治男子婦人肝腎風毒上攻眼赤痒痛不時羞
明多淚下注脚膝生瘡及遍身風癬服藥不驗居常多
覺兩耳中痒正宜服此無不取效

沙苑蒺藜 川羌活 白附子

黃耆

並生用

右件各等分為細末每服二錢薄荷酒調下如腎藏
風下注生瘡以腰子批開以藥末二錢合定紙裹以

水潤濕煨香熟空心細嚼以鹽酒送下

通關散治中風傷寒發熱惡風頭痛目眩鼻塞聲重肩背拘急身體酸疼肌肉瞤動牙關緊急及久新頭風攻注眼暗並宜服之

川芎

一兩

細辛

半兩

甘草

川烏

白芷

撫芎

各二兩

龍腦薄荷葉

一兩半

右為細末每服一錢蔥白茶清調下薄荷湯亦得

四斤圓治體虛氣弱風寒濕毒客於經絡血脉凝滯腰腿沉重筋骨緩弱四肢酸疼麻痺不仁間或腫痒脚膝無力隱痛拘攣不能履地一切久新諸腫脚氣悉治之

宣州木瓜

去穰切
焙乾

牛膝

去蘆
剉焙

菴蓉

洗淨
切焙

天麻

去蘆細剉
各一斤

已上四味如前修事了用無灰酒五升浸五日夏三日冬十日足取出焙乾再入

虎骨

一兩

附子

二兩炮
去文齊

右同為細末用浸前藥酒打麵糊為圓如梧桐子大
每服三五十圓或鹽湯吞下食前服此藥常服補虛
除濕大壯筋骨

鐵彈圓治卒暴中風神志昏憤牙關緊急目睛直視手
足瘳瘳口面喎斜涎潮語澀筋攣骨痛癱瘓偏枯或麻
木不仁或痿痺無常應是風疾及打撲傷損肢節疼痛
並皆治之通經絡活血脉

乳香

沒藥 各一兩
別研

五靈脂

四兩為
細末

麝香

一錢
細研

川烏頭

一兩半
為末

右先將乳香沒藥於陰涼處細研次入麝香次入藥末再研滴水和圓如彈子大每服一圓薄荷酒磨下食後臨卧服

大聖一粒金丹治男子婦人急患中風左癱右瘓手足瘳瘳口眼喎斜涎潮語澀遍身疼痛偏正頭風凡屬風疾悉療之

白蒺藜

炒去
火

五靈脂

去石
研

白僵蠶

炒去絲嘴
各一兩

細香墨

唐 汁

麝香淨肉

研

白礬

枯 別 研

沒藥

別 研

硃砂

別 研 各 半兩

大黑附子

大川烏頭

各 炮 去 皮 火

新羅白附子

炮 各 二兩

金箔

二百片 為衣

右黑附子川烏白附子白蒺藜白殭蠶五靈脂同為

末後研白礬沒藥麝香硃砂合和用井華水一盞研

墨盡為度將墨汁溲和杵臼內搗五百下圓如彈子

大金箔為衣窰乾每服一粒食後臨卧生薑自然汁

磨化入熱酒服再以熱酒隨意多少飲之就無風暖處卧衣被蓋覆汗出即瘥病少每粒分二服忌發風物孕婦不可服

乳香應痛圓治一切風氣左癱右瘓口眼喎斜半身不遂語言蹇澀精神恍惚痰涎壅筋脉拘攣或遍身頑痺走注疼痛脚膝緩弱行步艱難又治打撲傷損瘀血不散痛不可忍或行路勞傷脚膝浮腫疼痛或腎臟風虛上攻面腫耳鳴下注脚膝沉重及偏正頭疼攻治眼目

並皆療之

白殭蠶

炒去絲嘴

草烏頭

炮去皮火各十二兩

虎骨

酥炙令焦

赤小豆

生各六兩

龍骨

四兩半

木鼈子

七十筒仁

乳香

六錢重研

全蝎

七十筒去尾針

蜈蚣

六條去尾針以薄荷葉裏煨熟

天麻

去蘆洗

川牛膝

去蘆酒浸

川當歸

去蘆酒浸

白膠香

煉過各三兩

右為細末用醋糊圓如梧桐子大每服五圓至七圓冷酒吞下或冷茶清下亦得不計時忌諸熱物一時

辰久此藥但臨睡服尤妙忌濕麵炙煨鮓脯發熱動
風等物

省風湯治卒急中風口噤全不能言口眼喎斜筋脉攣
急抽掣疼痛風盛痰實旋暈僵仆頭目眩重曾膈煩滿
左癱右瘓手足麻痺骨節煩疼步履艱辛恍惚不定神
志昏憤應一切風證可預服之

天南星

生用

防風

去蘆各
四兩

甘草

生用

半夏

米泔浸
一宿

黃芩

去麁皮
各二兩

右吹咀每服四大錢用水二大盞生薑十片煎至一中盞去滓溫服不拘候

追風散治年深日近偏正頭痛又治肝臟久虛血氣衰弱風毒之氣上攻頭痛頭眩目暈心忪煩熱百節酸疼腦昏目痛鼻塞聲重項背拘急皮膚癢痒面上遊風狀若蟲行及一切頭風兼治婦人血風攻注頭目昏痛並昏治之常服清頭目利咽膈消風壅化痰涎

又方見後

川烏

炮去皮
臍火

防風

去蘆
義

石膏

煨

川芎

土洗去

甘草

炙

荆芥

梗去

白殭蠶

炒去絲嘴
各一兩

天南星

炮

羌活

土洗去

天麻

蘆去

全蝎

針去尾

白附子

炮

地龍

土去

白芷

各半
兩

草烏

炮去
皮火

沒藥

細研

乳香研

雄黃

研各
一分

右為細末每服半錢入好茶少許同調食後及臨睡

服

乳香圓治一切風疾左癱右瘓口眼喎斜半身不遂語
言蹇澀精神恍惚痰涎壅塞手足羸曳筋脉拘攣或遍
身頑痺走注疼痛脚膝緩弱行步艱辛又治打撲傷損
瘀血不散痛不可忍或行路勞傷脚膝浮腫疼痛或腎
臟風毒上攻面腫耳鳴下注脚膝沉重並皆治之

白附子 炮

天南星 炮

白芷

沒藥 研

赤小豆

荊芥 梗去

藿香 洗去土

骨碎補 去毛

乳香 研去一兩

五靈脂

去沙土

川烏

炮去皮火

糯米

炒各二兩

草烏頭

炮去皮火

香墨

煨各五兩

松脂

半兩研

右為末酒煮麵糊圓如梧桐子大每服十圓至十五

圓冷酒吞下茶清亦得不拘時忌熱物一時辰

黑神圓治男子女人左癱右瘓脚手頑麻及腰膝疼痛

走注四肢百節昏痛並宜服之 又方見後

熟乾地黄

洗

赤小豆

乾薑

炮

藁本

洗去蘆

麻黃

剉去節湯去沫

川芎

洗各六兩

草烏

一斤炮
去皮火

藿香

洗去
土

燒墨

各半
斤

白芷

十二
兩

川烏

炮

甘草

劉各十
八兩

羌活

不見
火

甘松

洗去
土

當歸

洗去蘆
各三兩

右為細末以水煮麵糊圓如龍眼大每服一二粒細嚼茶酒任下如婦人血風脚手疼痛打撲傷損亦宜服之

拒風丹治一切風尋常此小傷風頭痛鼻塞項強筋急皆可服之

天麻

去蘆

甘草

各一兩

防風

一兩半
去蘆

川芎

四兩

萆撥

半兩

細辛

三錢半
洗去土

右為細末煉蜜圓如龍眼大每服一粒細嚼荊芥湯
或溫酒送下亦得食後服之立效

急風散治男子婦人偏正頭疼夾腦風太陽穴痛坐臥
不安

生川烏

炮去
皮臍

辰砂

研用各
二兩

生南星

四兩洗
去皮

右為細末每用酒調塗痛處兼治小兒傷風鼻塞

清涕酒調塗顛門上不可服之

三生飲治卒中昏不知人口眼喎斜半身不遂咽喉作聲痰氣上壅無問外感風寒內傷喜怒或六脉沉伏或指下浮盛並宜服之兼治痰厥氣厥及氣虛眩暈大有神功

南星

生用
一兩

川烏

生去
皮

附子

生去皮
各半兩

木香

右咬咀每服半兩水二大盞薑十五片煎至八分去

滓溫服不拘時候

大醒風湯治中風痰厥涎潮昏暈手足搖擗半身不遂
及歷節痛風筋脉繇急並皆治之

天南星

生用
八兩

防風

生用
四兩

獨活

生用

附子

生去
皮臍

全蝎

微
炒

甘草

生用各
二兩

右咬咀每服四錢重水二大盞生薑二十片煎至八
分去滓溫服不拘時候日進二服

五痺湯治風寒濕邪客留肌體手足緩弱麻痺不仁或

氣血失順痺滯不仁並皆治之

羌活

白朮

防己

各一兩

片子薑黃

一兩洗去灰土

甘草

微炙半兩

右咬咀每服四錢重水一盞半生薑十片煎至八分去滓病在上食後服病在下食前服

壽星圓治心腹因驚神不守舍風涎潮作手足抽掣事多健忘舉止失常神情昏塞並宜服之

天南星

一斤先用炭火五十斤燒一地坑通紅去炭以酒五升傾坑內候滲酒盡下南星在

坑內以盆覆坑周圍用灰壅定
勿令走氣次日取出為細末

硃砂

二兩

琥珀

一兩各別研

右研細生薑汁煮麵糊圓如梧桐子大每服三十圓
至五十圓煎石菖蒲人參湯送下食後臨卧服

左經圓治筋骨諸疾手足不遂不能行步運動但不曾
針灸傷筋脉者四五圓必效此藥能通行榮衛疎導經
絡專治心腎肝三經服後小便快利乃其驗也

又方見後

木鱉子

去殼別研

白膠香

研

草烏頭

肉白者生去皮臍

五靈脂

各三兩半

當歸

去土一兩

斑貓

一百箇去頭尾翅少醋煮熟

右後四味為末與前二味和停用黑豆去皮生杵粉

一斤醋煮為糊和藥圓如鷄頭大每服一圓酒磨下

活絡丹治丈夫元臟氣虛婦人脾血久冷諸般風邪濕毒之氣留滯經絡流注脚手筋脉攣拳或發赤腫行步艱辛腰腿沉重脚心弔痛及上衝腹脇膨脹胃膈痞悶不思飲食衝心悶亂及一切痛風走注渾身疼痛

天南星

炮

川烏

炮去皮尖

草烏

炮去皮尖

地龍 去土各

六兩

乳香 研

沒藥

研各二兩二錢

右為細末入研藥和勻酒麵糊圓如梧桐子大每服
二十圓空心日午冷酒送下荆芥茶下亦得

七生圓治丈夫婦人三十六種風五般腰疼打撲傷損
入骨疼痛背膊拘急手足頑麻走注不定筋脇攣縮

五靈脂 去石

松脂 去木

地龍 去土

川烏 炮去皮尖

天南星 炮

荆芥 去枝梗各一兩

草烏 去皮尖

二兩

右為細末醋打麵糊圓如梧桐子大每服五圓至七圓茶酒任下久患風疾並皆治之孕婦不可服

黑龍圓治一切中風頭痛

天南星

洗

川烏

烏豆蒸
三次

軟石膏

各半
斤

香墨

一兩
半

乾薄荷葉

麻黃

去根節
各四兩

香白芷

藁本

各二
兩

右為末煉蜜杵圓彈子大每服一圓薄荷茶嚼下

驚氣圓治驚憂積氣心受風邪發則牙關緊急涎潮昏

塞醒則精神若癡大宜服之

紫蘇子

炒一兩

乾蝎

去針微炒八錢

附子

去皮臍生用

花蛇

酒炙熟去皮

白殭蠶

微炒

橘紅

天麻

去苗

麻黃

去根節

南木香

天南星

洗浸薄切薑汁浸一宿各半兩

硃砂

一分半為末

右為末入腦麝少許同研極細煉蜜杵圓如龍眼大

每服一粒用金銀薄荷湯化下溫酒亦得

此方戊申年軍中一

人犯法褫衣將受刃得釋神失如癡與一粒服訖而寐及覺病已失江東提轄張載楊妻避寇失心數年

授此方不終劑而愈又巡檢黃彥妻在厥踰年投此方去附子加鐵粉不終劑而愈鐵粉化痰鎮心抑肝邪若多恚怒肝邪太盛鐵粉能制伏之素問言陽厥在怒治以鐵烙金制木之意也

乳香宜經圓治體虛為風濕寒暑進襲四氣相搏半身不遂手足頑麻骨節煩疼足脛浮腫惡寒發熱漸成脚氣肝腎不足四肢攣急遍身攻注或閃肭打撲內傷筋骨男子疝氣婦人經脉不調常服活血止痛補虛壯筋骨

骨

葳靈仙

洗去蘆

烏藥

去木

茴香

淘去沙土炒

川練子

剉炒

牽牛子

炒

橘皮

去白

萆薢

微炙

防風

各二兩

五靈脂

草烏

烏豆一合同煮竹刀切透黑為度去皮焙

乳香

各半兩

右為細末酒糊為圓如梧桐子大每服五十圓鹽湯

鹽酒任下婦人醋湯下

換腿圓治足三陰經虛為風寒暑濕襲擊痺緩弱上攻
胷脇肩背下注脚膝疼痛漸成風濕脚氣行步艱辛足
心如火上氣喘急全不思食

石南葉

羌活

石斛酒浸

牛膝酒浸

天南星炮

黃耆蜜炙

防風去蘆
炙

車薺

薏苡仁炒

天麻

當歸酒浸

續斷各一
兩半

木瓜四
兩

檳榔二
兩

右為細末酒煮麵糊圓如梧桐子大每服五十圓溫

酒鹽湯任下

大聖保命丹治丈夫女人一切風疾氣血俱虛陰陽偏

發卒暴中風僵仆昏塞涎潮搐搦脚手顫掉不省人事
舌強失音手足躄曳口眼喎斜或癱瘓偏枯半身不遂
語言蹇澀舉止錯亂四肢麻木又治癩癘倒卧目瞑不
開涎盛作聲或角弓反張目睛直視口禁悶絕牙關緊
急又治風搏於陽經目眩頭痛耳作蟬鳴皮膚攣搐頻
欠好睡項強拘急不能回顧及腎臟風虛脚膝疼痛步
履艱辛偏風流注一邊屈伸不得此藥無問新久並皆
治之

右為細末拌勻用上件墨汁和藥每一兩分作六圓
窰乾用金箔為衣每服一圓用生薑半兩和皮擦取
自然汁將藥圓於薑汁內化盡為度用無灰酒半盞
煖熱同浸化溫服量病人酒性多少更喫溫酒一二
升投之以助藥力次用衣被蓋覆便卧以汗出為度
勢輕者每服半圓不拘時候如有風疾常服尤佳補
五臟固真元通流關節祛逐風邪壯筋骨活血駐顏
此方與前大聖一粒金丹同

四生圓專治左癱右瘓口眼喎斜中風涎急半身不遂不能舉者悉皆治之

五靈脂

骨碎補

川當歸

川烏頭

去皮
尖

右件各等分為細末用無灰酒打麵糊圓如梧桐子大每服七圓漸加至十圓十五圓溫酒送下如服此藥莫服靈寶丹恐藥無效

輕腳圓治左癱右瘓腳弱不能行履

白芍藥

木鼈子

別研

白膠香

別研各二兩

草烏頭

四兩去皮

赤小豆

一兩別研為末打糊

右為細末以赤小豆和為圓如梧桐子大每服七圓
旋加至十圓溫酒或木瓜湯下病在上食後臨卧服
病在下空心服忌熱物少時

大防風湯祛風順氣活血脉壯筋骨除寒濕逐冷氣又
治患痢後脚痛痿弱不能行履名曰痢風或兩膝腫大
痛脾脛枯腊但存皮骨拘攣踈卧不能屈伸名曰鶴膝

經進地仙丹治男子五勞七傷腎氣虛憊精神耗減行
步艱辛飲食無味眼昏耳焦面色黧黑皮膚枯燥女人
血海虛冷月經不調臟寒少子下部穢惡又治諸痔瘻
瘡腸風下血諸風諸氣並皆療之

木鼈子

去皮

地龍

去土各三兩

覆盆子

白附子

兔絲子

酒浸

赤小豆

天南星

骨碎補

去毛

川羌活

何首烏

狗脊

金毛者括去毛

萆薢

防風

去蘆
義

烏藥

各二
兩

川椒

去
目

附子

炮

川牛膝

酒
浸

茯苓

酒浸各
四兩

甘草

川烏

炮

白茯苓

白朮

各一
兩

綿黃耆

人參

各一
兩半

右為細末酒煮麵糊圓如梧桐子大每服三十圓加

至四十圓空心溫酒吞下

此方陶隱居編入道藏經
云是時有人母幼年得風

氣疾後忽發攣急疼痺久不能起百治不差卧牀五
十餘年脂肉消盡僅存筋骨乃於隱士處得此方依
方修合日進二服纔至五百餘服是母病頓除髮白
再黑齒落更生至八十歲顏色如二十歲人筋力倍

壯耳聰目明時有老奴常偷服其藥嚴冬御絺葛履
霜雪無寒色負荷倍重於常時行步如飛疑為鬼物
所憑遂打殺埋於水傍沙中久復為怪而里俗且云
凡奴婢死為怪但折其脛令不得動作遂掘出折其
脛見其髓盡實如黃金色折其臂亦然靈
效頗異隱居云此奴若不打殺成地仙矣

伏虎丹專治左癱右瘓

張徽猷方

草烏頭

天南星

躑躅花

白膠香

各一兩

五靈脂

半兩

蔓荊子

去白

生乾地黄

白殭蠶

各一分

右為細末酒煮半夏末為糊圓如龍眼大每一圓分

四服酒吞下日進二服

此方乃建康府烏衣巷有
一老人姓鍾平生好道朝

夕瞻仰茅山緣多酒偶患風疾百治無效一日忽有
一道人至言其因酒大過教服此藥道人遂不見服

之果驗乃

知仙方

烏藥順氣散治男子婦人一切風氣攻注四肢骨節疼
痛遍身頑麻頭目旋暈及瘵癰瘕語言蹇澀筋脉拘攣
又治腳氣步履艱難腳膝軟弱婦人血風老人冷氣上
攻胃臆兩脇刺痛心腹膨脹吐瀉腸鳴

麻黃

去根
節

陳皮

去
白

烏藥

去木各
二兩

川芎

白殭蠶

去絲
嘴炒

枳殼

去穰
麩炒

白芷

甘草

桔梗

各一
兩

乾薑

炮半
兩

右為細末每服三錢水一盞薑三片棗一枚煎七分

溫服四時傷寒增寒壯熱頭痛肢體倦怠加葱白三

寸煎併服出汗差閃挫身體疼痛溫酒調服遍身瘙

痒用薄荷三葉煎常併服疎風順氣孕婦不可服

秘方換腿圓治腎經虛弱下注腰膝或當風取涼冷氣

所乘沉重少力移步遲緩筋脉攣痛不能屈伸脚心隱
疼有妨履地大治乾濕脚氣赤腫痛楚發作無時呻吟
難忍氣滿喘促舉動艱辛面色黧黑傳送秘澀並皆治
之

薏苡仁

當歸

肉桂

天麻

石南葉

附子

羌活

防風

天南星

石斛

草薺

川牛膝

去苗

去蘆

去皮

去蘆

去蘆

湯洗去滑
薑汁製炒

去根

微炙

酒浸
焙

黃耆

蜜炙

續斷

各一兩

檳榔

半兩

乾木瓜

四兩

蒼朮

米泔浸焙
一兩半

右為細末麵糊圓如梧桐子大每服三十至五十圓
空心溫酒或木瓜湯吞下日進二三服常服舒筋骨

輕足永無脚氣之患

左經圓治左癱右瘓手足顫掉語言寒澀渾身疼痛筋
脉拘攣不得屈伸項背強直下注脚膝行履艱辛骨節
煩痛不能轉側跌撲閃挫外傷內損並皆治之常服通

絡活血脉疎風順氣壯骨輕身

生黑豆

一斤以斑貓二三十個去頭足同煮候豆脹為度去斑貓不用取豆焙乾

川烏

炮去皮臍二兩

乳香

一兩研

沒藥

一兩半

草烏

炮四兩

右為末醋糊圓如梧桐子大每服三十圓温酒下不拘時

木瓜圓治腎經虛弱下攻腰膝沉重少力腿脚腫痒疰破生瘡脚心癢痛筋脉拘攣或腰膝緩弱步履艱難舉

動喘促面色黧黑大小便秘澀飲食減少服此神效

熟乾地黄

洗

陳橘皮

去穢

烏藥

各四兩

石南藤

杏仁

牛膝

酒浸

菴蓉

酒浸焙

續斷

乾木瓜

當歸

各二兩

赤芍藥

三兩

黑牽牛

炒一兩

右為細末酒糊圓如梧桐子大每服三五十圓空心
木瓜湯吞下温酒亦得

追風應痛圓治一切風疾左癱右瘓半身不遂口眼喎

斜牙關緊急語言蹇澀筋脉攣急百骨節痛上攻下注
遊走不定腰腿沉重耳鳴重聽脚膝緩弱不得屈伸步
履艱難遍身麻痺皮膚頑厚又治婦人血風攻注身體
疼痛面浮肌瘦口苦舌乾頭旋目眩昏困多睡或皮膚
瘙痒癩疹生瘡暗風夾腦偏正頭疼並能治之

五靈脂

酒浸淘去沙石
熬乾五兩半

川烏

炮去
皮臍

何首烏

各六
兩

葳靈仙

狗脊

去皮各
四兩

乳香

研一
兩

右為細末酒糊為圓每服十五圓加至二十圓麝香
溫酒吞下只溫酒亦得食稍空服常服輕身體壯筋
骨通經活絡除濕去風孕婦不可服

磁石圓治腎臟風毒上攻頭面浮腫耳鳴眼暗頭皮腫
痒太陽穴痛鼻塞腦悶牙齒動搖項背拘急渾身癢痒
癩疹生瘡百節疼痛皮膚麻痺下注脚膝筋脉拘攣不
能屈伸脚下癭痛步履艱辛並宜服之常服能補益去
風明目活血駐顏

磁石

燒醋碎二十遍
搗羅如粉十兩

川芎

肉桂

去麁皮

赤芍藥

黑牽牛

炒各四兩

草烏

炮去皮臍
十四兩

牛膝

酒浸焙
六兩

黃躑躅

炒八兩

右為細末酒糊為圓每服三十圓煨葱鹽酒吞下煨
葱茶亦得偏正頭疼生葱茶下婦人血風渾身疼痛
頭目眩暈面浮體瘦淡醋湯下日進三服大有神效
胡麻散治脾肺風毒攻衝遍身皮膚瘙癢或生瘡疥或

生癰疹用手搔時浸淫成瘡久而不差愈而復作面上
遊風或如蟲行紫癩白癩頑麻等風或腎臟風攻注脚
膝生瘡並宜服之

胡麻

十二兩

苦參

荆芥

各八兩

甘草

炙

葳靈仙

各六兩

何首烏

洗焙十兩

右為細末每服二錢薄荷茶點食後服或酒調或蜜
湯點亦得服此藥後頻頻洗浴貴得汗出立效

黑神圓治一切風疾及癱瘓風手足顫掉渾身麻痺肩

背拘急骨節疼痛兼療婦人血風頭旋眼昏精神困倦

牡丹皮

白芍藥

川芎

麻黃

去根節
各四兩

赤芍藥

甘草

各十兩

草烏

炮

荆芥

各六兩

烏豆

八兩

何首烏

米泔浸切
焙十二兩

右為細末水糊為圓如鷄頭大每服一圓細嚼茶酒

任下不拘時候婦人血風流注用黑豆淋酒下小兒

驚風煎金銀湯下傷風咳嗽酒煎麻黃下頭痛葱茶

下

追風散治證與前追風散同

白殭蠶

微炒去絲骨

全蝎

甘草

炙

荆芥

各二兩

川烏

炮去皮尖

防風

去蘆

石膏

爛研各四兩

川芎

三兩

麝香

一兩研

右為細末每服半錢好茶調下食後臨卧服常服清

頭目利咽膈消風化痰

苦參圓治心肺積熱腎臟風毒攻於皮膚時生疥癩瘡
痒難忍時出黃水及大風手足爛壞眉毛落


苦參

三十
二兩

荆芥

去梗十
六兩

右為細末水糊為圓如梧桐子大每服三十圓好茶
吞下或荆芥湯下食後服一切風疾並皆治之



太平惠民和劑局方卷一